



La Val bataliëia cina l'ultim menüt por fa süa la devënta y stlütj jö al miú la sajun da d'altonn.

La squadra ladina ne ti lascia nia tó para i ultims trêi punc d'altonn al Dietenheim, che s'á indere batü cun determinaziun cina l'ultim menüt. Sughé él gnü sön le ciamp a La Val, delibré dala cutra de nêi tomada ia por l'edema. Na devënta asuiada por La Val, che va in vantaje tl prüm tēmp mo mēss batalié dassēnn por ne se lascé nia tó i trêi punc.

Tla pröma mesora é La Val che lascia udëi en bel jüch y tēgn le palé scialdi tl mezciamp avversar. Inciö garetä bele do 10[^] na gran ocasiun, Michele crossëia amez por le compagn Alex che vega le stach de ce cuntra porta, le palé rebat indere cuntra le pé y vëgn insciö delot te ciantun. Ala cherd'ora ti sciampa l'atacant avversar ala defenjiun y se fej lerch cuntra porta ladina por porvé la trata bassa che rōia de püch dlungia ia. Le medemo atacant pro ciamó al 20[^] de rebat de ce la crossada cuntra porta, mo Sepl à n bun reflex y archita sō tl dërt mumënt la cogura. Atira do l'ocasiun vëgn le palé arlungé sön Alex E. che se presentëia sú dan porta y spizurëia le curan sot les giames dl portier te rëi por le vantaje. Ince ti proscims menüc lascia udëi La Val en bel jüch mo stënta a concretisé l'aziun, cun la mancianza de prezijiun tl'ultim

passaje. Dan le prüm tēmp é l'aversar che ciafa coraje y rōia ince a val trata decuntra, por fortuna nia da mēt in prigo le resultat.

Le prüm tēmp se stlūj jō sōn le resultat de 1 a 0 por La Val.

Ti secundo tēmp se lascia i padruns de ciasa do fora y le Dietenheim anuzëia le momēt por avanzé te ciamp. Le mezciamp avversar ti da n gran sostēgn al'atach, che controlëia bun le palé y le süga sōn les perts. Ince Sepl mēss recuperé en grüm de palés che rōia te süa area de jüch. Gran ocajiuns ne él indere nia da alzé fora tratan la prūma mesora. Impormò al 80^a manacia Adrian de arlungé le vantaje, sōn na passaja amez area rōia chesc sú dan le spidl de porta a tra cun forza le palé che ti rōia indere tles mans al'un dl Dietenheim. Ti ultims menüc de jüch mūda la formaziun avversara y n sogadú vëgn injunté pro l'atach. Dūta la squadra ladina tira fora les ultims forzes por defënn le resultat, che ti gareta ince. L'arbitrer fej ruvé i nonanta menüc y la sajun da d'altonn cun le sciür. Na devēnta importanta che ti pormēt a La Val de mostré sō dejedot punc y la quarta posiziun dla tlassifica de chēsta prūma pert de campionat. I sogadus pó jí insciö tla palsa miritada da d'invern. La squadra tol ciamó l'ocajiun por ringrazié sü sostenidús che à acompagné y incité le grup fora por dūt l'altonn, giulan!

La Val – Dietenheim 1-0

Formaziun La Val: 1. Sepl Kantioler, 2. Luca Pescollderung, 3. Werner Sottara (30^a Marco Sottara), 4. Christian Dapoz, 5. Paolo Vallazza, 6. Franz Tolpeit, 7. Michele Campeï (60^a)

Alexander Miribung), 8. Max Nagler (80^ Felix Nagler), 9. Samuel Winkler (70^ Adrian Miribung), 10. Stefan Sottara – capitan, 11. Alex Elzenbaumer

Gol por La Val: Alex Elzenbaumer al 22^

Atri resultac:

Juniores Pool (Mareo/La Val): Mareo – Natz : 1-3

U15 (La Val): Val Badia – La Val: 3-2